



Broj: 01/5-50-1-6-34/09  
Sarajevo, 31.3.2009. godine

**Z A P I S N I K**  
**34. sjednice Komisije za saobraćaj i komunikacije,**  
**održane 31.3. 2009. godine**

Sjednica je održana 31.3.2009., s početkom u 14,10 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Sadik Bahtić, Husein Nanić, Selim Bešliagić i Mehmed Suljkanović.  
Odsustvovao je Savo Erić.

Iz Ministarstva komunikacija i prometa BiH sjednici su prisustvovali: Nikola Šego, sekretar Ministarstva, Namik Kupusović, koordinator u jedinici za implementaciju projekta Koridor Vc, Marinko Šimunović, zamjenik direktora Direkcije za civilno zrakoplovstvo BiH, i Kojo Koprivica, pomoćnik ministra, iz Agencije za poštanski saobraćaj BiH: Delivoje Đerić, predsjedavajući Vijeća Agencije, Fikret Gačanović i Nino Ćorić, članovi Vijeća. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložio sljedeći

**D N E V N I R E D**

1. Usvajanje Zapisnika 33. sjednice Komisije;
2. Razmatranje Izvještaja o radu Ministarstva komunikacija i prometa BiH za 2008. godinu;
3. Razmatranje Izvještaja o radu i finansijskog izvještaja Agencije za poštanski saobraćaj BiH za 2008.godinu;
4. Tekuća pitanja.

Dnevni red usvojen je jednoglasno.

**Ad. 1. Usvajanje Zapisnika 33. sjednice Komisije**

Zapisnik 33. sjednice usvojen je jednoglasno, bez primjedbi.

**Ad. 2. Razmatranje Izvještaja o radu Ministarstva komunikacija i prometa BiH za 2008. godinu**

Predsjedavajući je istakao da je Komisija na 31. sjednici razmatrala Izvještaj o radu Ministarstva komunikacija i prometa BiH za 2008. godinu i zaključila da je Izvještaj nepotpun i da je od Ministarstva zatraženo da u roku od 15 dana doradi i dopuni Izvještaj u skladu s raspravom na sjednici Komisije, te da je Komisiji dostavljena 27.3.2009. Dopuna Izvještaja.

Predsjedavajući je otvorio raspravu u kojoj su učestvovali svi članovi Komisije, te predstavnici Ministarstva komunikacija i prometa BiH Nikola Šego, Kojo Koprivica i Marinko Šimunović .

Nakon rasprave, Komisija, sa četiri glasa “protiv” i tri glasa “za”, nije prihvatila Izvještaj o radu Ministarstva komunikacija i prometa BiH za 2008. godinu iz sljedećih razloga:

- a) Izvještaj nije cjelovit i ne sadrži sve detalje koji su potrebni kako bi se obrazložile sve aktivnosti Ministarstva u 2008. godini;
- b) zbog podnošenja prijedloga zakona u parlamentarnu proceduru koji nisu prethodno usaglašeni.

Prilikom glasanja o Izvještaju, Komisija je izuzela od glasanja dio Izvještaja koji se odnosi na rad Direkcije za civilno zrakoplovstvo BiH koji je prihvatila.

U smislu odredbi člana 39. i 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

### **Ad. 3. Razmatranje Izvještaja o radu i finansijskog izvještaja Agencije za poštanski saobraćaj BiH za 2008.godinu**

Predsjedavajući je otvorio raspravu u kojoj su učestvovali član Komisije Sadik Bahtić i Nino Ćorić, član Agencije za poštanski saobraćaj BiH.

Nakon rasprave, Komisija je jednoglasno prihvatila Izvještaj o radu i finansijski izvještaj Agencije za poštanski saobraćaj BiH za 2008. godinu, pa predlaže Predstavničkom domu njegovo usvajanje u ponuđenom tekstu.

U smislu odredbi člana 39. i 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

### **Ad. 4. Tekuća pitanja**

Predsjedavajući je upoznao prisutne s dopisom Kolegija Predstavničkog doma u vezi s terminom održavanja sjednica komisija, u kojem je navedeno da je potrebno da se sjednice komisija održavaju najkasnije ponedjeljkom u onoj sedmici kada Dom zasjeda. Komisija je primala k znanju dopis Kolegija. Zaključeno je da se sjednice Komisije na kojima se razmatra prijedlog zakona s amandmanima održavaju sedam dana prije zasjedanja Predstavničkog doma.

Predsjedavajući je zaključio sjednicu u 15,30 sati.

SEKRETAR KOMISIJE  
Ahmed Jalovičić

PREDSJEDAVALJUĆI KOMISIJE  
dr. Branko Dokić